

皇清經解續編

皇清經解集編

皇清經解續編卷二百八十一

南菁書院

左通補釋十二

起宣公十二年盡十八年

錢唐梁履繩處素著

學

宣十二年三月克之

時鄭后制為內間故楚得以克鄭

見下傳 惠氏補注二

入自皇門

賈逵曰鄭城門何休曰郭門也

史記楚世家集解

皇門城南門也諸

侯國各以其所向之地為名皇周邑

見昭廿二

蓋走王畿之道也

春秋地名 攷略六

案是說終屬彊解或皇為大義如冢前闕曰經

皇寢門闕曰室皇乘舟名餘皇之類

敢不唯命是聽

左傳言維命者皆謂受其節度聽其進止

詩卷阿正義

案孔氏

引傳以解維君子使句故易唯爲維二字可通用

其俘諸江南以實海濱亦唯命

此句具有兩層義楚文王滅羅徙羅子於長沙故長沙有汨羅鄭若滅得徙於楚之南徼爲江南此一義也實海濱楚世家作賓之南海古以與字通用言不得徙楚境內卽填實於百越之地爲海濱之民此又一義也

潛丘劄記三

楚初都丹陽在

枝江居江南後徙郢都在荊州府居江北別都鄂卽武昌府亦在江之南自荊州以南皆楚所謂江南也楚遷權于郢處遷六小國于荊山在江北遷羅于枝江遷許于華容在江南鄭欲自比于此屬耳春秋時未知有南海屈完對齊桓公云寡人處南海不過漫爲侈大之辭實非楚境鄭請實海濱亦

自貶損以悅之也

春秋地名攷略八

敢布腹心

以心爲五藏之主腹爲六府之總詩曰公侯腹心左傳云敢

布腹心是腹心足以表內

書盤庚下正義

潘廷解楚大夫

潘廷卽師叔

本傳

疑崇之子

潘崇見文元年萬氏氏族略

案下傳潘黨亦

稱叔黨杜云廷之子本成十六年潘廷之黨文也定六年有

潘子臣疑是其後

先穀

軫

僖廿七

子穀

春秋分記世譜二

韓厥解韓萬玄孫正義韓世家云韓之先事晉得封韓原曰韓

武子後三世有韓厥世本云桓叔生子萬萬生求伯求伯生子
與子輿生獻子厥史記所云武子蓋韓萬也如彼二文厥是萬
之曾孫而服虔杜預皆言厥韓萬玄孫不知何所據也

獻子韓萬之玄孫子輿之子厥也

國語晉語五注

案僖十五年杜

解云韓簡萬之孫成二年解云子輿韓厥父故史記索隱所
引系本求伯下多定伯簡一代其爲玄孫無疑詳見僖十五
年

君無怨讟解讟謗也

師古曰讟痛怨之言也

漢書五行志上注

兼弱攻昧武之善經也子姑整軍而經武乎猶有弱而昧者何
必楚仲虺有言曰取亂侮亡兼弱也洵曰於鑠王師遵養時晦

耆昧也武曰無競惟烈撫弱耆昧以務烈所可也

逸周書武稱曰口強攻弱而襲不正武之經也

惠氏補注二

仲虺

之誥曰兼弱攻昧取亂侮亡推亡固存邦乃其昌辨曰據左

傳惟取亂侮亡一句爲仲虺語兼弱攻昧爲古武經語故引

書以明兼弱引詩以明耆昧又引詩以總明撫弱耆昧也若

書辭果有兼弱攻昧取亂侮亡二句隨武安得特分取亂侮

亡句爲仲虺之言乎襄十四年中行獻子曰仲虺有言曰亡

者侮之亂者取之推亡固存國之道也襄三十年子皮曰仲

虺之志云亂者取之亡者侮之推亡固存國之利也皆僅有

取亂侮亡無兼弱攻昧足以爲證其曰亂者取之云云孔疏

謂取彼尙書之意而改爲之辭其言非本文是也但并隨武

子釋書之語所謂兼弱者盡入之仲虺口中且并其釋汭詩

之攻昧二字而亦入之則蒐竊之迹殊不可掩耳

王鳴盛尚書後辨

烈所者功烈之處所也猶民知義所之所

陸氏附注二

案逸周

書武稱曰賢者輔之亂者取之與佑賢輔德句義相同下句

則與傳所引無異安知取亂侮亡及亡者侮之云云非即本

書之上下文而左氏分引之耶或云若非隨引書意則左氏

不應前後顛倒其辭余謂文十年傳引大雅烝民詩剛亦不

吐柔亦不如與毛詩互易

左氏多引毛氏詩如襄十四年行歸于周萬民所望是也

古人

原不屑屑于文字間也

後辨略本尚書古文疏證卷一及卷入

彘子解先穀正義服虔云食采於彘或當然也

見上先穀下

河東郡永安故彘

續漢書郡國志一

杜預曰縣東北有彘城

又彘晉注

地漢爲縣屬河東今日永安

國語周語上注

案先穀族滅後士魴

食邑于彘故稱彘恭子

見成十八

其子彘裘卽以邑爲氏

襄十四

服

說是也永安今山西霍州餘詳昭廿六年

荀子成相篇注引彘子亦以彘爲地名

知莊子解荀首釋文知季音智荀首後爲智氏

見下傳

智氏姬姓卽荀氏荀首別食智邑又爲智氏

通志氏族略三

案後漢

郡國志注所引博物記河東解縣有智邑則氏於邑者也羅

萃路史注言首邑於知故爲知氏

高辛紀下

本此

沈氏小疏

案解爲

今山西解州餘詳僖廿七成十八哀廿三年

師出以律否臧凶解此師卦初六爻辭律法否不也

震爲出坎爲律臧善也初失位故不臧凶

惠氏周易述二

有律以如己也解坎爲法象正義釋言云坎律銓也云云

晉書郭璞傳璞上疏曰坎爲法象刑獄所奉是坎卦主法易

家之舊說也

邵氏爾雅正義三

次於鄆解鄭北地

鄆卽三年傳之延也

周宣武左傳附論

詳前傳下

沈尹將中軍解沈或作寢寢縣也今汝陰固始縣正義楚官多

名爲尹沈者或是邑名而其字或作寢哀十八年有寢尹吳由

于因解寢爲縣名不言寢是而沈非也

寢沈國之別邑

沈國詳文三年

楚取之以爲重鎮故沈尹見於春秋

甚詳康王時有沈尹壽

襄廿四

靈王時有沈尹射

昭四

平王時有

沈尹赤

昭五

昭王時有沈尹戌

昭十

惠王時有沈尹朱

哀十

邑

本名寢楚人因取之於沈遂謂之沈至光武時改名固始今

屬河南光州

大事表
七之四

案沈作寢者乃或本疑後人因孫叔

敖之子封於寢丘遂謂將中軍者必是孫叔輒改沈爲寢不

知此時尙未封寢地而令尹本不在三軍之數

呂東萊說

高誘注

呂氏春秋以爲沈縣大夫是也

尊師篇

沈尹與孫叔敖同事楚

莊王故呂氏春秋當染尊師察傳贊能諸篇並連舉之然本

作沈尹蒸沈尹巫沈尹筮沈尹莖新序雜事第五篇又引作

沈尹竺其名各異而體適相似韓詩外傳二作沈令尹未知

所從高士奇姓名同異攷云孫叔敖亦曰沈尹者因韓傳而

誤也地名攷略又云時爲沈尹者莊王子公子貞愚攷公子

貞字子囊襄五年爲楚令尹

楚語上注子囊恭王弟
令尹公子貞杜注同

於莊王

時已爲沈尹不知所據傳既不載沈尹之名當闕以俟攷再
案韓詩外傳二載沈令尹事新序雜事一列女傳二並作虞
丘子又外傳七虞丘說苑雜言作沈尹則知沈尹之氏爲虞
丘惟名尙莫能定也

嬖人伍參解參伍奢之祖父

楚伍氏芊姓也

潛夫論
志氏姓

晉之從政者新未能行令

楚伍參曰晉之從政者新謂荀林父也士彌牟曰晉之從政

者新謂范鞅也

定元

一以喪師一以失諸侯書曰人惟求舊

困學

紀聞

何云新謂任未久非驟居執政之謂也閻云林父從政

在本月范鞅從政僅十日

又注

次于管以待之解滎陽京縣東北有管城正義土地名古管國也

在今河南開封府鄭州北二里即管叔鮮所封國管除屬檜

檜滅屬鄭

大事表七之二

晉師在敖鄆之間解敖鄆三山在滎陽縣西北

今河南滎澤縣西北有敖山

日講春秋解義二十九

河水北逕礪礪城

西述征記曰礪礪津名也

水經漂水注

案太平御覽礪礪城沈約

宋書作敲礪字今酈注作礪礪音聲之轉耳史記股本紀仲

丁遷于礪孔安國曰河南敖倉是也索隱曰礪亦作礪並音

敖字又詩車攻薄狩于敖左傳晉師救鄭在敖鄆之間杜預

以為二山名皆一地也

趙一清水經注箋刊誤二

案今尚有敖倉之稱

字作廢者俗也此鄭之鄙與哀四年晉之鄙異一音苦交反
一音呼洛反晉鄙爲今直隸趙州柏鄉縣而敖山在今開封
府之滎澤縣傳云敖鄙之間知鄙山當亦相近郡國志于滎
陽有敖亭下引此傳文可證也

紂之百克而卒無後

紂之百克傳記無文蓋紂本材力過人觀紀年所載大閱者
一大蒐者再又王師伐有蘇紂之好兵黷武于此略見詩稱
殷商之旅其會如林周本紀云紂發兵七十萬人距武王苟
以此眾戰何患不克傳言百克者特恃其兵力之彊盛而無
德以保之耳如史記魏世家所謂外黃徐子有百戰百勝之
術淮陰侯傳所謂成安君有百戰百勝之計一旦而失之是

也周氏左傳附論

簞路藍縷解簞路柴車藍縷敝衣正義服虔云言其縷破藍藍然

服虔曰簞露柴車素大輅也藍縷言衣敝壞其縷藍藍然也

史記楚世家集解

詳昭十二年攷異

箴之曰民生在勤勤則不匱

生如生於憂患之生蓋心生生不窮勤則生矣生則烏可已也怠焉則放放則死矣故公父文伯之母曰民勞則思思則

善心生

見魯語下困學紀聞六

案勤則不匱卽上年傳卻成子所謂

能勤有繼也並爲先正之格言余世父嘗集聯句云民生在勤勤則不匱慮善以動動惟厥時以履繩嗜讀左氏手寫集

聯云行道有福能勤有繼居安思危在約思純命揭之座右
以代耳提敬附錄於此

其君之戎分爲二廣廣有一卒卒偏之兩解君之親兵十五乘
爲一廣司馬法百人爲卒二十五人爲兩車十五乘爲大偏今
廣十五乘亦用舊偏法復以二十五人爲承副正義劉炫云兩
廣之別各有一卒百人一卒外復有偏一兩二十五人兵法十
五乘爲偏偏有一兩從之兩是偏家之物故謂此爲偏之兩其
實一廣十五乘有一百二十五人從之

諸侯成方十里出賦之時雖革車一乘甲士三人步卒七十

二人

案此是畿外邦國法與畿內一成三百家革車一乘其
士十人徒二十人之法不同詳見周禮小司徒疏

臨敵對戰之時則同鄉法五人爲伍五伍爲兩之屬也

小司徒文

故左傳云邲之戰楚廣有一卒卒偏之兩又云兩之一卒適

吳

成

是臨軍對陳同鄉法也

禮記坊記正義

案周制車一乘甲士三

人步卒七十二人則十五乘已有兵一千一百二十五人今

楚乘廣之法復有卒百人兩二十五人是於周制之外復增

一百二十五人爲乘車之副合二廣凡得二千五百人矣

下傳

乘廣三十乘

大事表十四

許伯曰吾聞致師者御靡旌摩壘而還樂伯曰吾聞致師者左射以敢代御執轡御下兩馬掉鞅而還攝叔曰吾聞致師者右入壘折馘執俘而還皆行其所聞而復解靡旌驅疾也摩近也左車左也敢矢之善者兩飾也掉正也示閒暇折馘斷耳

鄭康成曰摩猶迫也

見樂記注

軍壁曰壘

見夏官量人注

案旣夕禮云御